

S-293

6413

# 醫 述



醫述卷九

雜證匯參目

痢

瀉 附腸鳴

大便

小便

遺精

淋濁

陽痿

疝



脫肛





醫述卷九

雜證匯參

新安杏軒程文固觀泉輯



姪

光庭鑑亭  
光庠養和 校

痢

經義

帝曰腸澼便血何如岐伯曰身熱則死寒則生帝曰腸澼下  
白沫何如岐伯曰蛭沉則生浮則死帝曰腸澼下膿血何如  
岐伯曰蛭懸絕則死滑大則生帝曰身不熱蛭不懸絕何如  
岐伯曰滑大者生懸澹者死以藏期之○脾蛭外鼓沉爲腸





澀久自己肝衄小緩爲腸澀易治腎衄小搏沉爲腸澀下血  
血溫身熱者死○心肝澀亦下血二藏同病者可治其衄小  
沉澀爲腸澀其身熱者死○陰陽虛腸澀死○腎移熱於脾  
傳爲虛腸澀死素問

哲言

痢有赤痢白痢赤白痢水穀痢膿血痢噤口痢休息痢風痢  
寒痢熱痢溼痢氣痢虛痢滑痢積痢久痢疫痢蟲疰痢五色

痢

東醫寶鑑

按滯下之證古人多與洩瀉同論至三因方始另立條目夫  
病有從外感而得者須分六氣之異外既受傷腸胃鬱結隨

其寒熱溫涼以調之有因藏氣發動干犯腸胃而得者須察其何藏相兼以平治之又有因飲食失節而得者則審其何物所傷以消尅之但病有虛實治有先後若病氣暴至元氣壯實積滯膠固者宜下之病久氣脫腸胃虛滑者宜溫之瀉之大抵可溫則溫可下則下或解表或利小便分別在裏在表挾風挾熱挾寒等證膿血赤白有氣病血病之分後重裏急有氣血虛實之異不可不察

劉宗厚

下痢治法在表者汗之在裏者下之在上者涌之在下者竭之身表熱者疏之小便瀉者利之盛者和之去之過者止之

張潔古

凡治病和血勿傷血調氣勿破氣

仁齋直指

後重宜下腹痛宜和身重宜除溼鯀弦宜去風風邪內結宜

汗身冷自汗宜溫膿血稠粘宜重劑以竭之

劉河間

河間發明滯下證治尤爲切要和血則便膿自愈調氣則後

重自除二語實盲者之日月聾者之雷霆也○或問河間之

言滯下似無挾虛挾寒者乎曰洩利之病水穀或化或不化

並無裏急後重形狀若滯下則不然或膿或血或腸垢或無

糟粕相混雖有痛不痛之異然皆裏急後重逼迫惱人皆實

熱證也近年涉歷亦有虛寒證者如治予從叔婁長官等皆

用參朮乾薑之類是也

朱丹溪



河間曰夫治諸痢者莫若以辛苦寒藥苦能燥溼寒能勝熱使氣宣平而已此說相傳至今凡治痢者悉用寒涼皆此說之誤也毋論其他姑以苦能燥溼一言辨之見大左矣夫五味之理悉出內經有曰以苦燥之者蓋言苦之燥者也河間不察便謂是苦皆燥不知內經之言苦者其性有二其用有六如曰火生苦曰其類火其味苦曰少陽在泉爲苦化少陰在泉爲苦化曰溼淫於內治以苦熱燥淫於內治以苦溫是皆言苦之陽也曰酸苦涌泄爲陰曰溼司於地熱反勝之治以苦冷曰溼化於天熱反勝之治以苦寒是皆言苦之陰也此其言性之二也又曰以苦發之以苦燥之以苦溫之以苦

堅之以苦泄之以苦下之此其言用之六也蓋苦之發者麻黃白芷升柴之屬是也苦之燥者蒼朮白朮木香補骨脂之屬是也苦之溫者附子乾薑肉桂吳萸之屬是也苦之堅者續斷地榆訶子之屬是也苦之泄者梔柏芩連木通膽草之屬是也苦之下者大黃芒硝之屬是也夫氣化之道惟陽則燥惟陰則溼豈以沉陰下降如黃連黃柏之屬以至苦大寒之性而猶謂其能燥有是理乎是但知苦燥之一言而不察苦發苦溫苦堅苦泄苦下之五者何也因致後人治痢多不分寒熱虛實動以河間之法及其將危猶云血色如此何敢用溫腹痛如此何敢用補死而無悟深可哀也

景岳全書

凡治痢疾一見表證必先解表若表不解則邪將傳裏難愈故發熱身疼邪在太陽參蘇飲寒熱往來邪在少陽小柴胡身熱目痛鼻乾不眠邪在陽明葛根湯必表邪解而後無傳

變之患

查了吾

內經冬月傷寒已稱病熱至夏秋熱暑溼三氣交蒸互結之熱十倍於冬月矣外感三氣之熱而成下痢必從汗先解其外後調其內首用辛涼以解表次用苦寒以清裏失於表者外邪但從裏出不死不休故雖百日之遠仍用逆流挽舟之法引其邪而出之於外則死證可活危證可安詳金匱有云下痢脈反弦發熱身汗者自愈夫久痢之脈深入陰分沉瀄



微弱矣忽然而轉弦脉渾是少陽生發之氣非用逆挽何以得此久痢邪入於陰身必不熱今因逆挽之勢逼其暫時熱熱頃之邪從表出熱自無矣久痢陽氣下陷皮膚乾濇斷然無汗今以逆挽之法衛外之陽領邪氣同還於表而身有汗是以腹中安靜而其病自愈也又有驟受暑溼之毒水穀傾囊而出一晝夜七八十行大渴引水自救此則腸胃爲熱毒所攻頃刻腐爛更用逆挽之法迂矣遠矣每從內經通因通用之法大黃黃連甘草一晝夜連進三五十杯俟其利渴之勢少緩乃始平調於內更不必挽之於外蓋其邪如決水轉石乘勢出盡無可挽耳更有急開支河一法其邪熱之在裏

者奔迫於大腸必鬱結於膀胱膀胱熱結則氣不化而小溲短赤不用順導而用逆挽仍非計也清膀胱之熱令氣化行而分消熱勢則甚捷也仲景謂下利氣者當利其小便非急開支河之謂乎然而水出高源肺不熱則小溲自行肺與大腸爲表裏大腸之熱皆因肺熱所移尤宜先清肺之化源金匱有下利肺痛者紫參湯主之氣利訶黎勒散主之後人疑非仲景之方詎知腸胃有病其所關全在於肺又可見肺氣不通而痛則急通其壅大腸之氣墜而逼迫而緩調其適矣○再按治瘧之法當從少陽而進退其間乃痢疾之表亦當從少陽半表之法緩緩逆挽其下陷之清氣俾身中行春夏

之令不致於收降耳究竟亦是和法全非發汗之意津液未傷者汗出無妨津液既傷皮間微微得潤其下陷之氣已舉矣夫豈太陽外感風寒可正發汗之比乎又豈太陽陽明合病下利可用葛根之比乎噫微矣

喻嘉言

痢證古名滯下夏秋暑溼挾積者居多其次則風淫火迫寒侵燥氣獨不爲患至於暑有陰陽必兼乎溼夫陰暑由於人之陽氣先虧加以貪涼喜冷鬱折生陽故主於溫陽暑由於天之熱伏阻氣化濁則重於清但邪之來也似水之流臟腑間一有罅隙則乘虛而着故有在氣在血之分傷臟傷腑之異若表之邪鬱而氣機下流不息者喻氏論人參敗毒散裏



之積壅而寒熱交粘者潔古立芍藥湯在氣分有苦辛調氣  
與辛甘益氣等法在血分有酸苦行血及鹹柔養血諸方若  
表證急從乎三陽有桂枝湯葛根芩連湯小柴胡湯裏勢實  
專究脾胃有小承氣湯溫脾湯總之治腑以三焦見證爲憑  
治臟以足三陰爲要領辨其虛實之情酌以通瀉之法是證  
最難愈者莫如休息痢攻補之法非一最危險者莫如噤口  
痢卻有兩端若因暑溼邪充格拒三焦者氣機皆逆傳而閉  
上下之勢渾如兩截治不得其要則邪無出路正立消亡丹  
溪立法最高後世都宗其旨先生又借用半夏瀉心湯減去  
守中之品取補以運之辛以開之苦以降之又因脾腎之陽

素虛陰邪從中而下者先傷太陰繼傷少陰關開大開痛泄  
無度戊癸少化火之機命陽無蒸變之力此不饑不食爲嘔  
爲脹理宜然矣與邪多積熱之候不同參之仲景理中湯  
氣丸及景岳理陰煎胃關煎等法又以大劑茯苓配入參歸  
薑附桂製白芍之類較地黃阿膠尤勝與之腸膏竭盡絡脈  
結澹而痛者堪稱神品○古賢治痢不外通澹二法大都新  
痢宜通久痢宜澹○滯下之滯字非停滯飲食言暑溼內侵  
腑中流行阻遏而爲滯耳

臨證  
指南

王損菴以種種痢疾總由溼熱入胃此一句便可悟病形矣  
痢疾腹痛必是繞臍以下當小腸之分野小腸無毒則糟粕

得循其正雖曲而順下無礙惟膿血則不得循其正而不肯下故痛也小便不利者小腸爲毒邪所迫不能分利故短縮也噤口者乃毒氣原盛或破藥太過挾傷上中二脘宗氣毒

邪乘虛而上逆也

已任編

治痢大法始當推蕩久當溫補而尤宜以顧胃氣爲主蓋百病以胃氣爲本而於痢爲尤要故能食者輕不能食者重絕不食者死是痢之賴於胃氣者如此其重矣○瀉與痢不分兩證混言溼熱而利小便非也蓋淡滲功能利水濁流得快則瀉自止若痢疾乃垢穢之物因於溼熱腸胃怫鬱而成出於大腸傳送之道故不宜過用滲利之藥重竭其陽而涸其



津液是病降之而藥又降之也○凡治滯下與滑泄不同滑泄有可瀉之道故古人有用栗殼訶子以止其滑若滯下本屬溼熱滯滯法宜疏利最忌兜瀉大腸爲肺之腑大腸既有溼熱畱滯則肺家亦必有鬱滯不清古人用藥每利肺氣知其性喜通利清臟以及腑也倘誤用兜瀉則溼熱無所宣洩肺氣不得下行非惟痢疾增劇且恐溼熱熏蒸上干乎肺則脹滿氣逆不眠惡食諸證至矣

馮氏  
錦囊

古人治痢多用墜下之品所謂通因通用法非不善然效者半不效者半其不效者每至纏綿難愈或嘔逆不食而成敗證仔細揣摩偶見燭光恍然有得因思火性炎上何以降於